

# Газетс, журналмуд тархалгънд оньган ӧгхмн

Яшкульск района кесг организацсар 1958 джилин хойрдгч ӧрӧлд газетс болн журналмуд тархалгъна кӧдлмш му бишӧр бурдӧгдв.

„Лиманный“ совхозин парт-организацн сеглӧгр ӱр П. В. Хомутников, залгылдана конторин, олна заргъин, райпотребсоюзин болн Кировск рабкоопин гардачнр эврӧннь организацсин кӧдлӧчнр болн церглӧчнр дунд газет болн журналмуд тархалгъна кӧдлмшт шунмгъагъар орлццхав.

Болв эн политическ ик чинртӧ тӧрт зӧрм организацсин гардачнр оньган ӧгч орлцджахш. Ӱлгӱрнь келхд, „Кировский“ совхозин кӧдлмшчрин комитетин ахлӧч ӱр Бембеев джилин хойрдгч ӧрӧлд газет болн журналмуд тархалгъна кӧдлмшт май сарин эргд тӧрӱц орлцсн уга.

Газет болн журналмуд тархалгъна кӧдлмшиг Яшкульск райорганизатор ӱр Баяков дегд сулар келжӧнӧ. Энӱнӧ кӧдлмшт диг-даран уган учрар,

1958 джилин тӱрӱн ӧрӧлд газетс болн журналмудт бичгдсн улсин зӧрмнь терӱгӧн авч чӧдлжӧхш.

Района залгылдана конторин ахлӧч ӱр Мухараев келжӧх кӧдлмштӧн сӱзгӧн багъар ӧгсн учрар, районас хол бӧӧх участксар, сард хойр-нег дакдж почт кӱргдж ӧггӧнӧ.

Ӧдгӧ цагт района совхозмудин кӧдлӧчнрин ик зунь кеер—олна малд хот белдлгънӧ, тӧрӧ-темс тӧрлгънӧ, хӧбнӧ ноос киргӧлгънӧ кӧдлмшт йовццхана.

Эн кӧдлӧчнрт мана ӧргн орннутгар, Хальмг тангъгъчар, эврӧннь района соньн зӧнӱг ӧдр болгън соньсххин кергт газет болн журналмуд цаг-цагтнь кӱргдж ӧгчӧх кергтӧ.

Района залгылдана конторин ахлӧч ӱр Мухараев, совхозмудин эклц партийн болн комсомольск организацсин сеглӧтрмӱд леер келгдсн дуту-дундиг ахрхн цагин эргдд уурулхин эв-аргъинь хӧӧх зӧвтӧ.

САНГЪДЖИН Бося.